



## Młodzinske žiwjenje w internaće w běhu lěta 2025

Na poslednim štwórtku wulkeho róžka přeprosychmy sej kapłana Pětra Mróza na domyswjećenje. Zhromadźichmy so we wulkej klubowni k małemu nyšporej. Mócnje a poŋnje klinčachu kěrlušy a modlitwy. Młodostni přewodźachu kapłana po tym po domje, zo by jim žohnowanje na durje napisał.

Wróčo zhladujo mějachmy w běhu lěta tola někotre zhromadne akcije, kaž hrajne wječory, pječenje tykanca, warjenje kirbsoweje poliwiki po swójskim recepće a zwučowanje rejow za šulske zarjadowanja. Woblubowane su wječory na konopeju před telewizorom z kopańcu, filmom abo komputerowymi hrami. Wězo so šulerjo a šulerki rady abo njerady k zhromadnemu wuknjenju zetkawaja a runje před klawzurami abo testami so w někotrejškuli stwě hłowy kurja.

Před hodownymi prózdninami swjećachmy adwentničku, na kotrejž nas samo rumpodich wopyta. Njeměješe wšak dary sobu, za to pak spěwy a hry a lóštne wustupowanje. Jako namjetowach hru “Activity”, šulerjo hnydom wo serbsku wariantu prošachu. Přez to so wězo wosebje wjeselach. Tak wubědźowachu so 11-tki z 12-tkami w hrě “Swěca abo měca”. Naše samopječene poprjančki běchu so tónraz wosebje derje radźili.

Wosebitosć bě zhotowjenje pychi za hodowny štom w Serbskim domje. Naši šulerjo su tutu z wulkej wušiknosću a wutrajnosću spaslili. Při tym bě jim wočiwidnje serbski raz jara wažny. Štomiki a hwězdy jewjachu so mjenujcy w serbskich barbach na hodownym štomje.

Kruty wobstatk internatneho žiwjenja su měsačne filmowe wječory z Michaelu Hrjehorjowej z wubranymi filmami k wosebitym młodžinskim a dalšim temam.

Na předstajenju noweje młodžinskeje knihi “Litmiks” w rumnosćach towarstwa Džěłań džen z. t. na Sukelnskej hasy wobdžěli so skupina zajimcow, běchu dže tež někotři internatni wobydlerjo mjez awtorami. Snano bě čitanje tamnym pohon, so tež raz w pisanju wuspytać. Premjera knihi “Znowa namakany přećel” wabi třoch młodostnych do Smolerjec kniharnje. Woni to njewobžarowachu a přečitachu sej knihu wo přećelstwje młodostneju. Z premjery młodžinskeho džiwadła “Pjeršćen” nawróćichu so hrajerjo kaž přihladowarjo zahorići a hordži do internata.

Powšitkownje móžach šulerki a šulerjow za čitanja w Smolerjec kniharni a wopyt serbskeho džiwadła jenož sćežka motiwować. Maja dže tójšto terminow a wuknjenje steji wšak na přnim městnje.

Zhromadne dže to ze serbskimi institucijemi w Budyšinje tyje našim młodostnym. Su dže to ći, kotřiž móhli so za někotre lěta za tamniše džělowe městna zajimować. Njeńdže při tym jenož wo džělowe městno, ale tež wo wobsah džěla a džělowu atmosferu. A nic naposledk wo wutworjenje serbskeje identity.

*Monika Süßowa, kubłarka*